

Ed Sheeran

FIMMTUDAGUR 8. ÁGÚST 2019



Ed Sheeran hefur verið á tónleikaferðalagi í tvö ár og spilað á 260 tónleikum um heim allan. Nú fer að stytast í lokin hjá kappanum því héðan heldur hann til Englands þar sem túrinn klárast.

Risatónleikar í Laugardalnum

Það er komið að því. Ed Sheeran heldur tímamótatónleika á Laugardalsvelli um næstu helgi, 10. og 11. ágúst. Það seldist upp á fyrri tónleikana á örskotsstundu og var þar með sett Íslandsmet í miðasölu. Aukatónleikum var bætt við daginn eftir sem þýðir að nú stefnir í heimsmet í miðasölu.

Ed Sheeran hefur þegar slegið tónleikamet sem hljómsveit-in U2 átti. Söngvarinn hefur þénað meira á núverandi tónleikaferð sinni en írsku rokkararnir U2 gerðu þegar þeir settu heimsmetið. Tónleikatúr Eds Sheeran, Divide Tour, hófst í mars 2017 og mun klárast síðar í þessum mánuði í Chantry Park í Ipswich

á Englandi. Ed þakkaði áheyrendum sínum á Instagram fyrir nokkrum dögum fyrir áhugann og aðsóknina. Hátt í tíu milljónir hafa séð hann á þessu ferðalagi þar sem hann hefur haldið 260 tónleika um allan heim.

Þegar tónleikaferðinni lýkur verður Ed búinn að túra í 893 daga sem er nýtt met. Þetta þykir ótrú-

» Hátt í tíu milljónir hafa séð hann á þessu ferðalagi þar sem hann heldur 260 tónleika um allan heim.

legt afrek hjá tónlistarmanninum sem er aðeins 28 ára. Þá hefur lagið No. 6 Collaborations Project setið nokkrar vikur á topplista breska vinsældalistans. Ed Sheeran er mest spilaði tónlistarmaður í útvarpi á Bretlandseyjum og hefur slegið enn eitt metið þar líka. Hann hefur selt meira en 150 milljónir hljómplatna um heim allan

sem gerir hann að einum mest selda tónlistarmanni heims. Tvær plötur hans eru á lista yfir mest seldu plötur sögunnar í Bretlandi. Ed Sheeran hefur unnið til margra viðurkenndra alþjóðlegra verðlauna. Áhorfendur á Laugardalsvelli geta farið að hlakka til að sjá þessa risastjörnu tónlistarsögunnar á sviði á Íslandi.

Lyftir tónleikahaldi hér á næsta stig

Tónleikar Eds Sheeran, stærstu stjörnu heims, verða þeir langstærstu sem hafa verið haldnir á Íslandi. Koma hans hefur átt sér langan aðdraganda og hann mætir með yfir 1.500 tonn af búnaði.

Það hefur verið mikil vinna að fá Ed Sheeran til landsins, en tónleikarnir urðu að veruleika vegna þess að hann hefur sjálfur mikinn áhuga á að koma til landsins. Umfang tónleikahaldsins er meira en nokkru sinni áður, svo það má segja að þessir tónleikar lyfti íslensku tónleikahaldi á næsta stig.

„Þetta er bara það langstærsta sem hefur verið gert á Íslandi, sama hvaða mælikvarða þú notar,“ segir Ísleifur Þórhallsson, framkvæmdastjóri Senu Live. „Það er gaman að vera að gera eitthvað sem er alveg sögulegt og tekur heilan bransa á Íslandi upp á næsta stig.“

Það var ákveðinn vendipunktur þegar við fluttum inn Eagles og svo aftur þegar við fluttum inn Justin Timberlake og svo Justin Bieber,“ segir Ísi. „Núna erum við komin þangað að langstærsta stjarna samtímans er að koma til Íslands að halda langstærstu tónleika sem hafa verið haldnir hér. Ed Sheeran er með hæstu tölurnar á YouTube og Spotify, hann selur mest af tónleikamiðum og hann var að setja met um daginn með þessum túr, sem er sá stærsti allra tíma.“

Sheeran vill koma til Íslands

„Við höldum Justin Bieber tónleikana með AEG, einu stærsta tónleikahaldsfyrirtæki í heimi. Þau voru svakalega ánægð með allt hér, svo það byrjaði samtali við þau um hvað gæti verið næst og þá kom þetta upp,“ segir Ísi. „Það var fljótlega greinilegt að Ed Sheeran vill koma til Íslands og það hjálpaði mikið í gegnum allt samningaferlið. Hann hefur áhuga á Íslandi, hann hefur verið hérna og hann er aðdáandi landsliðsins okkar, þannig að það var bara farið í að leysa öll mál og þetta látið gerast.“

Sérstök nálgun á tónleika

„Sheeran er mjög duglegur að halda tónleika og hann er með skemmtilega nálgun, því hann heldur oft fleiri tónleika á hverjum



Ísleifur segir Laugardalsvöll henta vel fyrir svona tónleika. Fyrir aftan hann er verið að reisa stærsta svið sem hefur verið reist á Íslandi, en það er yfirleitt notað fyrir 60-70 þúsund manna tónleika. FRÉTTABLAÐIÐ/SIGTRYGGUR ARI

stað en aðrir. Það skiptir hann máli að miðaverðinu sé haldið niðri og hann vill ekki einhver VIP-svæði, forsölu eða sérmeðferð fyrir suma gesti en ekki aðra, heldur vill hann bara að allir séu jafnir,“ segir Ísi. „Svo er hann til í að koma og halda fullt af tónleikum á hverjum stað, þannig að sem flestir hafi tækifæri til að sjá hann. Þessi nálgun er að virka mjög vel og hann er með mjög sterkt samband við sína aðdáendur, sem kunna vel að meta þetta.“

Langur aðdragandi

„Miðarnir fóru í sölu í september í fyrra og þá var sirka ár afalvarlegum viðræðum að baki. Síðan hefur undirbúningurinn haldið áfram í þetta tæpa ár sem er líðið,“ segir Ísi.

„Til að byrja með snýst þetta allt um grunnatriði. Það þarf að finna dag sem hentar öllum og svo er þetta spurning um peninga, því það að vera með svona túr er eins og að vera með risafyrirtæki á stanslausu ferðalagi,“ segir Ísi. „Það eru rúmlega hundrað manns á launum á hverjum degi og það kostar náttúrulega gríðarlegar upphæðir að senda allan búnaðinn sem þarf. Það kostar líka talsvert meira að koma sér til Íslands og frá því aftur með allan þennan búnað og mannskap en flestra annarra landa. En dæmið gekk upp og þá tóku markaðsmál og skipulag við.“

Þetta á sér því langan aðdraganda, en við erum að vinna með svakalega vönu fólki úti sem heldur svona tónleika næstum

daglega,“ segir Ísi. „Sena Live er líka með gríðarlega gott teymi sem hefur sýnt það í gegnum árin að það kann að halda tónleika með stærstu stjörnum heims. Ég vil nota tækifærið hér til að þakka því fólki fyrir ótrúlega óeigingjarnt og öflugt starf. Það eru ansi margir í hópnem sem hafa unnið frá morgni til kvölds núna í margar vikur, þetta eru hetjur.“

Heimsmet í miðasölu

„Miðasalan okkar hlýtur að vera heimsmet, þó við höfum að vísu ekki fengið það formlega staðfest. Það seldust 30 þúsund miðar á fyrri tónleikana og ef við segjum sem svo að það verði 20-25 þúsund manns á þeim seinni þá er þetta komið upp í 15% af mannfjölda í landinu,“ segir Ísi. „Það er eins og ef

Nokkrar tölur:

- Vel yfir 1.500 tonn af búnaði flutt til landsins í 55 gánum. Þar af eru 20 trukkan sem keyrðu frá Seyðisfirði.
- Um 150 útlendingar koma hingað til að starfa við tónleikana, en alls verða næstum 1.000 manns í vinnu tengdri tónleikunum á tónleikadögnum.
- Vel yfir 200 ljós verða í notkun á tónleikunum. Auka rafstöðvar hafa verið settar upp til að anna eftirspurninni eftir rafmagni.
- Sviðið er notað fyrir 60-70 þúsund manna tónleika og er það langstærsta sem hefur verið sett upp á Íslandi. Það er um 50 metrar á lengd og 700 fermetrar, vegur 200 tonn og nær 20 metra upp í loftið.
- Sviðið var sérhannað fyrir Sheeran fyrir þremur árum og er sérstakt að því leyti að það vísar út á við, en ekki inn, þannig að það sést vel á sviðið frá öllum sjónarhornum.

50 milljónir mættu á eina tónleika í Bandaríkjunum. Þetta er náttúrulega alveg surrealistískt og þetta hefur örugglega ekki gerst í neinu öðru landi.

Laugardalsvöllur hentar vel fyrir svona tónleika og samstarfið við KSÍ hefur gengið afbragðsvel, en það tekur langan tíma að gera völinn tilbúinn fyrir svona tónleika. Það er hins vegar allt það vel undirbúið að það hafa ekki verið nein vandamál. Þetta er samt tveggja vikna vinna hér á vellinum með her manns í vinnu frá morgni til kvölds,“ segir Ísi. „Afraksturinn verður tilkomumikill þegar fólk mætir, því sviðið eitt er sjón að sjá.“

Draumur að rætast

Glowie mun hita upp fyrir Ed Sheeran og verða það fyrstu tónleikarnir sem söngkonan heldur á Íslandi í tvö ár.

Á Facebook-síðu söngkonunnar segir hún frá því að henni hafi aldrei dottið í hug að hún myndi einhvern tímann hita upp fyrir Sheeran. „Þetta er draumur að rætast og ég er svo spenn!“

Síðasta ár hefur Glowie verið búsett í London. Í viðtali við Fréttablaðið sem var birt í maí á þessu ári segir Glowie frá því að hún hafi breyst og þroskast mikið á veru sinni í stórborginni. Það hefur verið nóg að gera sem söngkonunni þykir gott. Þó nýtir hún hvert tækifæri sem gefst til að heimsækja Ísland og segist sakna íslenskrar náttúru. „Ég sakna þess líka að sjá hafið og íslensku fjöllin, drekka hreina vatnið og anda að mér fersku og köldu lofti heima.“ Þegar Glowie óx úr grasi leitaði hún oft í einveruna í íslenskri náttúru, sem er hvergi að finna í London þó borgin sé frábær á sinn hátt.

„Ég sakna þess líka að sjá hafið og íslensku fjöllin, drekka hreina vatnið og anda að mér fersku og köldu lofti heima.“

Á Instagram-síðu Glowie kemur fram að þótt það sé tilfinningarússíbani að búa í landi langt frá fjölskyldu og vinum, líði henni eins og hún tilheyrir stórborginni. Um þessar tilfinningar fjallar lagið Where I belong, tilfinningar sem vakna við London-veruna og einmanaleikann. Lagið er á samnefndri EP-plötu söngkonunnar

sem kom út þann 14. júní.

Á þeirri plötu hefur lagið I'm good vakið mikla athygli en það hefur verið spilað oftar en 700.000 sinnum á Spotify. Lagið var meðal annars sett á lagalistann Pop before it breaks á YouTube, á listanum eru lög eftir tónlistarmenn á borð við Sam Smith, Zöru Larsson og Taylor Swift.

Vinsælasta lagið á plötunni er eins og stendur lagið Cruel, sem hefur fengið yfir milljón spilanir á Spotify og sömuleiðis á YouTube. Nýju lögin hennar Glowie eru samin af meðal annars af Juliu Michaels og Taylu Parx. Julia hefur samið fyrir stórstjörnu á borð við Justin Bieber, Demi Lovato, Britney Spears og Senu Gomez og Tayla hefur samið fyrir Ariönu Grande, Jennifer Lopez, Rihönnu og Mariu Carey. Glowie virðist vera á hraðri leið upp á stjörnuhimininn og hver veit nema Ed Sheeran hiti upp fyrir hana næst.



Glowie er á hraðri leið upp á stjörnuhimininn.

*Fjarðarkaup og Góa
kynna með stolti*

Jólagestir Björgvins

21.- 22. DESEMBER Í HÖRPU



FOR-FORSALA HEFST 22. ÁGÚST!

AUÐUR · BIRGITTA HAUKDAL · FRÍÐRIK ÓMAR · GDRN · GISSUR PÁLL · JÓN JÓNSSON
SYLA · ÞÓRA EINARSDÓTTIR · JÓLASTJARNAN 2019

STÓRSVEIT JÓLAGESTA UNDIR STJÓRN ÞÓRIS BALDURSSONAR · STRENGJASVEIT UNDIR STJÓRN GEIRPRÚÐAR ÁSU GUÐJÓNSDÓTTUR · REYKJAVÍK GOSPEL COMPANY UNDIR STJÓRN ÓSKARS EINARSSONAR
KARLAKÓRINN PRESTIR UNDIR STJÓRN ÁRMA HEIÐARS KARLSSONAR · BARNAKÓR KÁRNESSKÓLA UNDIR STJÓRN ÁLFHEIÐAR BJÖRGVINSDÓTTUR · DANSARAR ÚR DANSSKÓLA SIGURÐAR HÁKONARSONAR
HANDRIT BJÖRN G. BJÖRNSSON LEIKSTJÓRN GUNNAR HELGASON



Skráðu þig í for-forsölu á senalive.is/jolagestir eða jolagestir.is
Takmarkað magn í boði á ferna tónleika



GÓÐA SKEMMTUN

ED SHEERAN
TÓNLEIKADAGARNIR

LAUGARDAGUR

LAUGARDAGUR




- 1 INNGANGUR NÝJA STÚKAN**
Munið að hafa pappírsmíða, kvittun og skilríki meðferðis. Opíð frá kl. 16.00 báða tónleikadagana.
- 2 INNGANGUR STÆÐI**
Munið að hafa pappírsmíða, kvittun og skilríki meðferðis. Opíð frá kl. 16.00 báða tónleikadagana.
- 3 INNGANGUR GAMLA STÚKAN**
Munið að hafa pappírsmíða, kvittun og skilríki meðferðis. Opíð frá kl. 16.00 báða tónleikadagana.
- 4 4 EÐA FLEIRI SAMAN Í BÍL**
Engjavegur frá Glæsibæ er eingöngu opin þeim sem ætla að leggja við Skautahöllina og eru með fjóra eða fleiri í bíl. Öðrum bílum er bannaður aðgangur.
- 5 BÍLASTÆÐI 4 EÐA FLEIRI SAMAN**
Takmarkað framböð. Aðeins fyrir bíla með fjórum eða fleiri farþegum. Öðrum bílum er bannaður aðgangur.
- 6 BÍLASTÆÐI HREYFIHAMLADRA**
Eingöngu fyrir hreyfihamlaða. Mælt er með að hreyfihamlaðir nýti sér ferðabjónustu fatlaðra.
- 7 AÐDÁENDASVÆÐI (FAN ZONE)**
Opíð frá 12.00-01.00 báða tónleikadaga. Snemminnritun, veitingar og varningur í boði.
- 8 SLEPPISVÆÐI**
Við Laugardalslaug og Glæsibæ er hægt að hleypa farþegum út og sækja svo að tónleikum loknum.
- 9 LOKUÐ GATA**
Reykjavegur verður lokaður allri bílaumferð báða tónleikadaga frá kl. 12.00 á hádegi.
- 10 LOKUÐ GATA/TAKMÖRKUN**
Á vesturleið er Suðurlandsbraut lokað frá Grensásvegi til Kringlumýrarbrautar og á austurleið er Suðurlandsbraut lokað á milli Lágsmúla og Vegmúla á meðan á tónleikum stendur báða dagana.
- 11 SÆTAFERÐIR TIL OG FRÁ KRINGLU**
Ókeypis sætaferðir milli Kringlunnar og Laugardalsvallar hefjast kl. 15:30 báða tónleikadaga. Að auki er ókeypis í strætó á höfuðborgarsvæðinu báða dagana gegn framvísun tónleikamíða. Við mælum með þessum ferðamáta.
- 12 REIÐHJÓLASTÆÐI**
Aðstaða til að geyma hjól fyrir þá sem koma á hjóli. Við mælum með þessum ferðamáta.

VIÐ MÆLUM MED ÞVÍ AÐ PEIR SEM GETI HJÓLAÐ EÐA GENGIÐ Á STADINN GERI ÞAÐ. AÐRA HVETJUM VIÐ TIL AÐ TAKA LEIGUBÍL EÐA NÝTA SÉR ÓKEYPIS STRÆTÓ OG SÆTAFERÐIRNAR FRÁ KRINGLU, ÞAR SEM TAKMARKAÐ FRAMBÖÐ ER AF BÍLASTÆÐUM Í NÁGRENNI VIÐ LAUGARDALSVÖLLINN. EINNIG HVETJUM VIÐ FÓLK TIL AÐ NÝTA SÉR SNEMMINNTRITUN.

SNEMMINNTRITUN 7
Innritaðu þig fyrirfram í **aðdáendasvæðinu við Laugardalshöll** frá kl. 12.00 á tónleikadögum. Mættu með **pappírsmíðana** (sem þú fékkst í Ed Sheeran búðinni í Kringlunni), **skilríki** og **kvittun** og allir í hópnun fá sérstakt snemminnritunarármband.
Ármbandið gerir öllum í hópnun kleift að ganga inn á Laugardalsvöllinn þegar hverjum og einum hentar en völlurinn opnar kl. 16.00.

AEG
PRESENTS

Á ED SHEERAN!



12:00 Fan Zone opnar
 15:30 Sætaferðir hefjast milli Kringlu og Laugardalsvallar
 16:00 Laugardalsvöllur opnar
 18:00 Glowie
 18:45 Zara Larsson
 19:45 James Bay
 21:00 Ed Sheeran
 23:00 Áætluð lok*

LAUGARDALSVÖLLUR
ALUR

INNGANGUR NÝJA STÚKA
 HÓLF
 A-B-C-D-E-F-G-H-I

TIX

P - INNGANGUR

INNGANGUR STÆÐI
 +
 i

INNGANGUR STÆÐI
 +
 i

INNGANGUR GAMLA STÚKA
 HÓLF
 J-K-L-M-N-O-P-R-S-T



VARNINGUR	FYRSTA HJÁLP	REYKINGASVÆÐI
VEITINGAR	UPPLÝSINGAR + TAPAÐ & FUNDIÐ	TIX MIÐASALA
SALERNI	FYRIR HREYFIHAMLADA	LÆKNAR Á LANDAMÆRA

Eitt stórt Öskubuskuævintýri

Ed Sheeran hefur lagt mikið á sig til að ná þangað sem hann er í dag. Öll lögin á þriðju plötu hans, ÷ eða Divide, hafa náð einu af 20 efstu sætum breska vinsældalistans, plöturnar rokseljast og hann spilar alltaf fyrir fullu húsi.

Ferill Eds Sheeran er eitt stórt Öskubuskuævintýri,“ segir tónlistarmaðurinn Bubbi Morthens. „Hann ris úr öskunni. Hann var ekki neitt. Bara strákur með gítar að syngja, en hann náði að heilla alla og hefur náð alveg rosalega langt.“

Eins og margir aðdáendur söngvarans eflaust vita átti hann



Bubbi segir að Ed Sheeran hafi þennan x-factor sem margir leita að. FRÉTTABLAÐIÐ/SIGTRYGGUR ARI

frekar erfitt uppdráttar sem barn. Hann stamaði og var lagður í einelti bæði vegna stamsins og vegna þess að hann notaði stór gleraugu. Ed Sheeran hefur sagt frá því í viðtölum að hann hafi hætt að tala í skólanum út af stríðninni en stamið virtist aftur á móti ekki há honum þegar kom að því að syngja. Hann fékk því útrás í gegnum tónlistina. Hann byrjaði ungur að spila á götum úti til að reyna að koma sér áfram í tónlistarbransanum. Hann hætti í skóla og flutti til London þar sem hann leitaði uppi staði til að spila á og sofa til að gista á þess á milli. Ed var staðráðinn í að koma sér á framfæri og þessi staðfesta hans virkaði heldur betur.

„Hann slær öll met, hann er tekjuhæsti tónlistarmaðurinn, hann selur aldrei færri en 30 þúsund miða á tónleikana sína og upp í 100 þúsund. Hann nær svo vel til fólksins. Það sem er sérstakt við Ed Sheeran er að hann er ekki þessi venjulega poppstjarna. Hann er ekki besti gítarleikarinn eða besti söngvarinn. En hann hefur þennan x-factor. Hann býr yfir gæðum. Það er galdurinn,“ segir Bubbi.

Bubbi stefnir á að fara á fyrri tónleika söngvarans í Laugardalshöllinni á laugardaginn.

„Svo fer fjölskyldan á seinni tónleikana. Allavega hluti hennar,“ segir Bubbi.



Veitingahúsið Laugaás
553 1620
www.laugaas.is



Björgvin verður einn af þúsundum Íslendinga sem ætla að sjá Ed Sheeran á risasviði á Laugardalsvelli um helgina og hlakkar til. FRÉTTABLAÐIÐ/VALLI

Glæsileg vegferð

Björgvin Halldórsson er spenntur að sjá Ed Sheeran á tónleikum og segir að hann sé ein stærsta stjarnan í dag. „Ég hef fylgst með honum nokkuð og velgengni hans í tónlistarbransanum. Glæsileg vegferð hans er alveg ótrúleg,“ segir Björgvin og bætir við að hann sé að sjálfsögðu að fara á tónleikana.

„Ég verð að sjá hvernig þetta er gert tæknilega á vellanum og er mjög spenntur að sjá hvernig hann gerir þetta. Ed Sheeran er vanalega einn á sviðinu með stórt pedala-bretti fyrir framan sig sem hann stjórnar af þryði. Hann hljómar eins og heil hljómsveit,“ segir hann.

Björgvin segist eiga von á góðum tónleikum og að áhorfendur eigi eftir að taka virkan þátt í lögunum

„Ég hef fylgst með honum nokkuð og velgengni hans í tónlistarbransanum. Glæsileg vegferð hans er alveg ótrúleg.“

hans. „Midasala upp á um það bil 50.000 plús miða segir meira en nokkur orð. Ekki má gleyma Sena-live sem gerir allt fyrsta flokks. Vonum sömuleiðis að veðrið haldi,“ segir Björgvin sem er einn af okkur reyndustu tónleikahöldurum.

REYKJAVÍK
LOVES

#reykjavikloves

ICELANDAIR
FOUNDING SPONSOR



ICELAND AIRWAVES

REYKJAVÍK NOV 6 — 9 2019




LISTAMENN SEM TILKYNNTIR HAFA VERIÐ

Æ Mak. Agent Fresco. Akkan. Alexandra Stréliski. Alyona Alyona. Amanda Tenfjord. Anna of the North. Aron Can. Ásta. Auðn. Auður. Axel Flovent. aYia. Bagdad Brothers. Berndsen. Bessie Turner. Between Mountains. Biggi Veira (GusGus DJ Set). Blanco White. Blóðmör. Boy Azooga. Bríet. Cautious Clay. Ceasetone. Elín Sif. Free Love. Gabríel Ólafs. GDRN. Georgia. girl in red. Glass Museum. Grísalappalísa. Hatari. Helge. Hildur. Hrím. Hugar. IamHelgi. Ivan Dorn. JFDR. John Grant. Just Mustard. Kælan Mikla. Konfekt. Krassasig. Mac DeMarco. Mammút. Matthildur. Morpholith. Moses Hightower. Murkage Dave. Niklas Paschburg. Of Monsters And Men. Ólöf Arnalds. Orville Peck. PAVVLA. Penelope Isles. Pillow Queens. Pip Blom. Pottery. Seabear. Shame. Siv Jakobsen. Snapped Ankles. SONS. Svavar Knútur. Sykur. The Garrys. The Howl & The Hum. Tiny Ruins. Une Misère. Vök. W. H. Lung. Warmduscher. Warmland. Whitney.

FYLGIST MEÐ Á NÆSTUNNI!

ICELANDAIRWAVES.IS #AIRWAVES2019



Sheeran slær hvert aðsóknarmetið á fætur öðru. NORDICPHOTOS/GETTY

Ed Sheeran sló aðsóknarmet U2

Fleiri gestir mættu á tvenna tónleika Eds Sheeran í Helsinki 23. og 24. júlí en mættu á stærstu tónlistarhátíðina þar í landi, Ruisrock. Gestirnir á tónleikunum voru samtals 108.000 sem eru 3.000 fleiri en mættu á hátíðina. Með tónleikunum var slegið gamalt aðsóknarmet á tónleika í Finnlandi, en frá því árið 2010 átti U2 metið með 104.000 gesti.

Á Íslandi er talan í kringum fjórum sinnum fleiri gestir. Fyrri tónleikarnir seldust upp á met tíma en 30.000 miðar voru í boði á þá tónleika. Reiknað er með um 25.000 gestum á seinni tónleikana sem þýðir að reikna má með að 15% landsmanna sjái Ed Sheeran á Laugardalvelli um helgina.

Nokkrar staðreyndir

- Þrjátíu mínútum áður en miðasalan hófst voru tæplega 15 þúsund manns í stafrænni biðröð eftir miðum.
- Sagt er að nokkrir hafi frestað brúðkaupum vegna tónleikanna.
- Verslun var opnuð í Kringlunni um miðjan júlí þar sem Ed Sheeran-varningur er seldur auk þess sem miðar eru afhentir þar.
- Gleðiganga Hinsegin daga verður farin viku seinna í ár en venja hefur verið. Ein ástæðan er stórtónleikar Eds Sheeran í Laugardalnum.
- Ed Sheeran flytur inn eigið svið fyrir tónleikana sem var sérhannað fyrir hann fyrir þremur árum.



Ed Sheeran heilsar aðdáendum sínum. NORDICPHOTOS/GETTY

Efstur á Spotify næstefstur á YouTube

Ed Sheeran er með tæplega 73 milljónir hlustenda mánaðarlega á tónlistarveitunni Spotify. Það gerir hann að þeim listamanni sem mest er hlustað á í hverjum mánuði á tónlistarveitunni. Lagið Shape of you með Ed Sheeran er í efsta sæti yfir mest spiluðu lög frá upphafi Spotify en það hefur verið spilað rúmlega tvö þúsund milljón sinnum frá því það kom út í janúar árið 2017. Þrjú lög með Ed Sheeran hafa náð yfir þúsund milljón spilunum á Spotify, aðeins einn annar listamaður hefur náð því en það er Justin Bieber. Myndbandið við lagið Shape of you hefur verið skudað 4,3 milljón sinnum á YouTube og er þar með í öðru sæti á eftir myndbandinu við Despacito með Luis Fonsi.

Ed Sheeran var jólagjöfin

Birta Björnsdóttir, fréttamaður á RÚV, er ein þeirra þúsunda sem ætla að sjá Ed Sheeran um helgina. Tónleikarnir komu upp úr jólapökkunum hjá henni. „Í viðleitni til að gefa jólagjafir sem taka ekki skáapláss en skila kannski góðum minningum ákvað ég að gefa eldri börnunum mínum miða á tónleikana síðustu jóla. Ég yrði líklega seint kjörin formaður addáendaklúbbs Sheeran en finnst hann virka viðkunnanlegur og vinalegur auk þess sem hann á þó nokkur ágætis lög,“ segir Birta og bætir við að hún hlakki mikið til að sjá

hvað komi upp úr þessum 50 gámum sem fylgja Sheeran til landsins. „Ég býst við mjög flottum tónleikum,“ segir hún.

Birta hefur ekki séð stjórnuna áður á tónleikum en hún hefur fylgst með fréttum af honum. „Það voru fréttir af því þegar margir brjáluðust yfir því að honum brá fyrir í Game of Thrones og svo þegar hann tók ástföstri við íslenska karlalandsliðið í knattspyrnu. Og svo hef ég auðvitað heyrt lögin hans í útvarpinu,“ segir Birta og hlakkar mikið til að fara með krökkunum sínum og upplifa tónleikana í gegnum þau.



Birta Björnsdóttir ætlar ekki að missa af Ed Sheeran.

BRAD PITT

SVÖRIN SEM VIÐ LEITUM AÐ ERU RÉTT HANDAN SEILINGAR

AD ASTRA

FRUMSÝND 27. SEPTEMBER

VÆNTANLEGT Í BÍÓ

ÓSÉÐAR

ÓSTÖÐVANDI

ÓFYRIRSJÁANLEGAR

KVIKMYND EFTIR ELIZABETH BANKS

CHARLIE'S ANGELS

FRUMSÝND 8. NÓVEMBER

COLUMBIA TRISTAR PICTURES PRESENTS #CHARLIESANGELS